

# Дууна төрлгън

Нарт делкән әмтс әлд бәәв чигн — йовсн газртан, кōдлмш кехләрн, гертән амрад суухларн, оли зӯсн келәр ду дуулна. Дун-джиргъл, дун-тосхлтин кōдлмшт дōнъ, дун — дживр ургъадж кӯ бōдлӯнә, кӯн ду дуулхларн седклән аадрулдж, ямаран ик зовлиъ ўзгдв чигн, мартна.

1917 джилд, Октябрьск социалистическ революц кедж алдр Ленин советин йос кӯч-кōлсчирт гартнъ бәрӯлдж ᠔гв. Эн ᠔дрәс ᠔дгә цаг кӯртл алдр Ленинә тогтасн коммунистическ партъ, Ленинә хаалгъас хаджил уга, советин орн-нутг батрулв. Иим ик чинртә йос цааранднъ делгрӯллгънд, Ленинд боли Ленинә гаргъсн партъд ханлт кедж, кӯч-кōлсчир кесг ду гаргъсн бәәнә.

Октябрьск социалистическ революцлә дахлддж „Интернационал“ гидг гимн гарв. Орчлнъ делкән кӯч-кōлсчир „Интернационал“ дууг кӯндлдж дуулна. Эн дуунд — делкән угатьнр, мухлачнр, оли-зӯсн хар кōдлмшчир цугъар дурта, тер юнъгад гихлә, оли әмтнә кӯцсн йос дуулсн, сән джиргълтин уха заасн, бӯтӯ харнъгъу хаалгъд герл болсн иим дун.

Гражданск дәәнл, Алдр Тōрснә орн-нутган харссн дәә-

нд цергчнр амрл авад, багград суухларн советин йос магтдж, алдр Ленинд мōнък ханлт кедж ду дуулна,

Октябрьск социалистическ революцин нильчәр багъ кели әмтс бас сулдхвр авб. 1920 джилд мана Хальмг танъгъчд автоном тогтав. Эн учрар, ик байр кегъад, Хальмг танъгъчд автоном ᠔гснд — шин революционн „Улан туг“ гидг дун гарв. Эн дун иим:

᠒ндр улан тугигъән  
Огътргъуд кӯргдж кииския,  
Тер улан тугин дор  
Угатьнр хамгарн джиргъия.

Нойн, зәәснъ гидгнъ  
Нойрхад юнъгад йовсмб.  
Ном уга харчудиг  
Нохала юнъгад дӯнъцӯлсмб.

Улан залата хальмг  
Уралан мордад йович.  
Уралан мордад йовдж  
Улана йосан батлич.

„Улан туг“ гидг дууг 37 джилд Октябрин сән ᠔дрт уульнцар йовдж, улан туг киисгдж хальмг оли кӯч-кōлсчир джил болгън дуулсн болдг.

Ода, дорас ᠔ссн багъчуд иим революционн чинртә дууг меддж авад, оли әмтсд цааранднъ улм тархах кергтә.

Б. МАНДЖИКАЕВ.